



REPRIEVE



Yon mesaj Dr. Steve Grinspoon ak Dr. Pam Douglas, Ko-Envèstigatè Prensipal REPRIEVE yo ap pataje

Salitasyon pou ou! Nou espere bilten sa a jwenn ou an bòn sante. Nou rekonèt ane sa a se te yon ane difisil akoz pandemi mondal COVID-19 la, e nou rekonesan anpil paske w ap kontinye patisipe nan REPRIEVE. Antanke kontribitè nan yon esè ki gen plis pase 7,000 moun k ap viv ak VIH atravè 5 kontinan, nou franchi plizyè etap ansanm ane ki sot pase a. Gras ak èd ou, nou jenere rezulta enpòtan pou amelyore sante kadyovaskilè ak sante jeneral moun ki gen VIH. Nou vin konprann fason ris maladi kè gen rapò ak bon abitid nan mòd devi epi montre faktè ki lye ak diminisyon fonksyon fizik pami patisipan nou yo. Anplis, nou kontinye vanse byen fèm nan akonplisman objektif esè nou an, san twò gwo pwoblèm oswa pwoblèm sekirite.



Nan mwa k ap vini yo, yo pral mande w pou siyen yon fòmilè konsantman revize ki pwolonje suivi esè a, pou asire piplis nou akonpli objektif nou yo. Dire maksimòm yo prevwa pou suivi w la se ant 6-10 lane, tou depanne lè w te enskri nan REPRIEVE. Li enpòtan pou konnen nou pa fin sèten si dire sa a pou suivi a ap nesesè. Nou mete yon dire maksimòm pou asire enfrastrikti nesesè pou esè a sou yon peryòd tan, men li pwobab pou peryòd suivi a pi kout.

Kòm ou ka konnen, Komite Kontwòl Done ak Sekirite a (DSMB) ki sipèvize REPRIEVE deside lè esè a ap fini, e desizyon yo baze sou kantite ensidan maladi kè (bagay tankou kriz kadyak ak estwok) yo rapòte yo. Pou rezon sa a, li enpòtan pou rapòte nenpòt ensidan kadyak posib ki rive bay ekip etid ou a. E menm si ou pa sèten si w te gen yon ensidan kadyak oswa si w genyen sentòm vag, tanpri fè ekip etid ou a konnen pi bonè posib pou nou kapte chak gress ensidan kadyak. Lè w reponn kesyon rechèch prensipal etid sa a, nou espere n ap an mezi pou devlope direktiv sou prevansyon ak tretman maladi kè ki adapte pou moun ki gen VIH.

Enfòmasyon sou REPRIEVE

- N ap selebre yon lane suivi anplis ke nou konplete depi enskripsyon premye patisipan yo nan REPRIEVE, ak yon patisipasyon an mwayèn de apeprè 4 lane.
- REPRIEVE publiye prèske 20 maniskri ... epi gen plis ki nan wout!
- Rezulta REPRIEVE yo te prezante plis pase 10 fwa nan konferans ki enkli Conference on Retroviruses and Opportunistic Infections, AIDS, Association of Nurses in AIDS Care ak International Association of Clinical Research Nurse conference.



Konsèy pou Sante Kè!

Sante mantal ak sante kè mache men nan men

Sante mantal fè pati sante jeneral.

Nou p ap ka an sante si nou neglige kò nou, epi nou p ap anfòm si nou neglige sante mantal nou. Men kèk konsèy ki ka gen enpak pozitif sou sante mantal AK sante kè ou!!!



1. Fè aktivite fizik
2. Manje manje ki bon pou sante
3. Rete atantif
4. Evite fimen ak abi sibstans

Yon Mesaj REPRIEVE Community Advisory Board (CAB)

Pandan n ap antre nan senkyèm deseni pandemi VIH/SIDA a, n ap sonje enpòtans rechèch genyen pou amelyore sante moun ki gen VIH yo. Gen gwo pwogrè ki fèt pou asire moun ki gen VIH yo viv lontan ak an bòn sante. Sepandan, gen plis rechèch ki nesesè pou pi byen konprann ris maladi kè epi pou devlope apwòch potansyèl pou fè prevansyon ak tretman. Patisipasyon w nan etid sa a non sèlman gen avantaj potansyèl pou pwòp sante w, men tou pou sila ki nan kominote a. Enfòmasyon nou aprann nan etid sa a ap benefik pou lòt moun ki gen VIH yo pandan plizyè lane k ap vini. Nan non REPRIEVE CAB, nou ta renmen remèsyé w pou efò w ak dedikasyon w nan esè enpòtan sa a.

Eske w te konnen REPRIEVE CAB la jwe yon wòl esansyèl nan dirije esè a? Objektif REPRIEVE CAB yo se:

- > Pou enkli vwa patisipan yo nan aktivite esè a
- > Pou rasanble divès pèspektiv pou amelyore inisyativ ak angajman patisipan yo
- > Pou bay yon fowòm kote patisipan yo ka pataje avi yo sou esè a, entèraji ak dirijan esè yo, epi konekte avèk lòt patisipan epi avèk manm CAB yo

Si w enterese nan ajoute vwa w nan kominote sa a, nou ta renmen w patisipe! Tanpri kontakte Evelynne nan efulda@mgh.harvard.edu pou aprann plis.

Alicia Diggs, NC, USA
Robert Ettinger, NY, USA
Janice Jarrells, NJ, USA
Angel Luis Hernandez, Puerto Rico
Shirley Selvage, AL, USA

Rankontre lòt Patisipan REPRIEVE yo!

Ana Cecilia Castellanos

BARRANCO CRS, LIMA, PEWOU



Poukisa w te patisipe nan REPRIEVE?

Mwen te patisipe nan REPRIEVE paske mwen te twouve l'enteresan pou patisipe nan yon etid kote mwen ka ede konfime ke yon medikaman ka anpeche pwoblèm kadyovaskilè.

Nan ki fason REPRIEVE enpòtan pou ou pèsonèlman ak pou kominote moun k ap viv ak VIH la?

Mwen pèsonèlman konsidere REPRIEVE enpòtan paske konesans nou vin genyen ki soti nan etid la ka ede nou (moun k ap viv ak VIH) kenbe ak/oswa amelyore kalite vi nou.

Nan ki fason pandemi COVID-19 la afekte opinyon w sou enpòtans rechèch genyen?

Mwen santi li pi enpòtan kounye a pou genyen tip rechèch sa a. Li pèmèt nou kenbe sante nou nan pi bon kondisyon ak anpeche yon virus tankou COVID-19 fè nou vin gen predispozisyon pou devlope pwoblèm kadyovaskilè.

Kisa w fè pou gen yon kè ki rete an sante?

Pou kenbe kè a an bòn sante, mwen fè tout sa m kapab pou m manje manje ki bon pou lasante, mwen diminye sou fridòdò. Mwen pa fimen ni mwen pa bwè alkòl epi mwen dòmi byen leswa!

Konsantre sou Rezulta yo

Nou konnen ou vle aprann konnen kijan patisipasyon w nan REPRIEVE kontribye pou fè rechèch sou VIH ak maladi kè.

Kòm ou konnen, envestigatè REPRIEVE yo ap pibliye rapò apati done yo te kolekte lè admisyon an nan men ou, patisipan yo nan REPRIEVE. Alavni ap gen plizyè piblikasyon apati done n ap kolekte yo. Anba a w ap jwenn yon rezime sou yon atik nou te pibliye an 2021:



To Vaksinasyon kont COVID-19 nan yon Kowòt VIH Mondyal

Done yo kolekte sou to vaksinasyon kont COVID-19 pami patisipan REPRIEVE yo te pèmèt envestigatè yo egzaminen fason to vaksinasyon yo pami moun ki gen VIH yo varye pa peyi.

6952 patisipan REPRIEVE te enkli nan analiz la, epi yo defini vaksinasyon kòm omwen yon dòz nan nenpòt vaksen kont COVID-19. To vaksinasyon kolektif la pami patisipan REPRIEVE yo jiska fen novanm 2021 te 73%. To vaksinasyon yo te pi elve nan Tayilann (89%) ak Pewou (87%) epi pi ba nan Ouganda (12%) ak Ayiti (0%).



An rezime: Done REPRIEVE sa yo founi enfòmasyon itil sou kesyon kritik to vaksinasyon kont COVID-19 pami moun ki gen VIH epi yo souliyen inegalite ki egziste nan to vaksinasyon atravè peyi yo.

N ap di esponnsò nou yo mèsi

